

Segun linguista, Mirto Laclé

Mas autor ta comprometi y ta produci na Papiamentu

ORANJESTAD – Awe, dia cu ta conmemora Dia Mundial di Buki y Derecho di Autor, e linguista y gestor cultural, Mirto Laclé ta haya cu Aruba ta bayendo den un bon direccion riba ambos tereno.

Como un linguista y culturalista, e ta expresa su palabra di pabien grandi na tur autor cu ta pensa y procura di pone nan idea riba papel, pa nan ta comprometi cu nos lenga materno. Pero e ta haya cu esaki ta un responsabilidad di nos tur hunto, pa asumi un consenshi colectivo y bin cu un mecanismo contra decadencia di nos lenga Papiamentu.

E ta haya cu e desaroyo na Aruba no solamente ta uno positivo, sino cu nos comunidad en general mester sigui

sostene esaki. Logicamente un idioma no ta statico. “Un idioma ta un cos cu ta cambia tur dia,” el a bisa. E ta consciente cu tur cambio ta trece personanan cu ta contra of pro di e cambianan den nos lenga Papiamentu.

Sinembargo, e ta haya cu tempo ta e factor mas importante cu lo demostra si Papiamentu como lenga di instruccion ta funciona, y lo sigui funciona di forma positivo. E ta kere cu nos tur tin e pensamiento positivo pa sigui boga pa conserva nos idioma. “Y sigui mira pa nos idioma nacional Papiamentu sigui den desaroyo, sigui progresa...,” el a bisa.

A pesar cu tin idiomaan cu ta den via di extincion, esaki no ta conta pa Aruba. E echo ta cu cada concudadano local

of cu a bini for di otro lugar ta adapta y adapta e idioma Papiamentu. “Pasobra ta na Papiamentu e persona hiba na Aruba ta sofia, sinti, pensa y comunica,” el a bisa na Bon Dia Aruba. Sr. Laclé a agrega cu Papiamentu ta e vehiculo cu tur habitante di pais Aruba lo mester por domina y mancha for di cuna te graf.

Den cuadro di Dia Mundial di Buki y Derecho di Autor, Biblioteca Nacional Aruba (BNA) hunto cu Departamento di Cultura Aruba (DCA) ta organisa awe un actividad entre 7pm-9:30pm bou e number “El Papiamentu”, dedica na e cantautor, Jossy Brokke. E ta un forma pa duna danki na Jossy Brokke pa su aporte na cultura y musica di Aruba na Papiamentu pa mas cu seis decada.

